

文淵閣

四庫全書

影印

文淵閣四庫全書

第一〇五〇冊

北京出版集團公司
北京出版社

本冊目次

法苑珠林(二)

附校音

譌釋

唐釋道世撰……………一

欽定四庫全書

子部

法苑珠林卷六十一

詳校官中書臣沈鳳輝

檢討臣何思鈞覆勘

總校官檢討臣何思鈞

校對官主事臣張慎和

謄錄監生臣方汝觀

欽定四庫全書

法苑珠林卷六十

唐釋道世撰

懲惡篇第四十六

迷意部

夫形骸多患理須嚴誠根識昏沈宜恒警策故經曰無以睡眠因緣令一生空過無所得也但有身則為患本無身則患滅故禮無不敬傲不可長若縱傲高彌增惰

欽定四庫全書

法苑珠林卷六十

慢徒施攻擊無柰患憂口是刀斧之門禍累之始心懷毒念口施毒言身行毒業興斯三業彌招四趣故書云一言可以興邦一言可以喪國又言行是君子之樞機樞機之發榮辱之主意為業本身口由發所以先除凶懷祛邪務正故知可惡川流事由心造何以知然若瞽緣心起故口發惡言言由意顯靡惡不為故成論云離心無思則無身口業也

引證部

如維摩經云故以若干苦切之言乃可入律書云聞諫如流斯言可錄恨戾不信惡馬難調撫膺多愧常以自箴庶有間論致序心曲今欲緘其言而整其身者未若先挫其心而次折其意故經云制之一處無事不辦譬如金山窟狐兔所不敢停淳淵澄海蛙龜所不肯宿故知潔其心而淨其意者則三塗報息四德常滿防意如城守口如瓶可謂金河遺寄屬在伊人玉門化廣信於斯矣既策斯三業則能除四患何等四患謂生老病死欽定四庫全書

法苑珠林
卷六十

二

也故受胎經云衆生受胎之時備盡艱難冥冥漠漠狀若浮塵十月將滿母胎知苦業風催促頭向產門墮地鞭觸如在刀山風激冷觸如似寒冰當爾之時生為寶苦又涅槃經云譬如燈炷唯賴膏油膏油既盡勢不久停人亦如是唯賴壯膏壯膏既盡衰老之炷何得久住又出曜經佛說老苦偈云

少時意盛壯 為老所見逼 形衰極枯槁

氣竭憑杖行

又佛說死苦偈云

氣絕神逝 形骸蕭索 人物一統

無生不終

又涅槃經云夫死者於嶮難處無有資糧去處懸遠而無伴侶晝夜常行不知邊際深遠幽暗無有燈明入無門戶而有處所雖無痛處不可療治往無遮止到不得脫又無量壽經云獨生獨死獨來獨去苦樂之地身自當之無有代者幽幽冥冥別離長久道路不同會見無期甚難甚難復得相值夫生則親族歡聚盡慈愛之和死則朝亡暮殯便有恐畏分離之狀歌哭相送往者不知反室空堂寂滅無覩存亡有無變化俄頃故出曜經佛重說死苦偈云

命如果待熟 常恐會零落 已生皆有苦

孰能致不死

猶如死囚將詣都市動向死道人命如是如河駛流往而不返人命如是逝者不還又出曜經云昔有梵志兒

欽定四庫全書

法苑珠林
卷六十

三

第四人皆得五通自知命促七日必死兄弟議曰我等兄弟神通自在能以神力翻覆天地現極大手捫摸日月移山住流無所不辦寧當不能避此難也第一兄曰吾入大海上下平等正處中間無常殺鬼安知我處第二弟言吾入須彌山腹中間還合其表使無際現無常殺鬼焉知我處第三弟言吾處虛空隱形無跡無常殺鬼安知我處第四弟言吾當隱在大市之中衆人猥闢各不相識無常殺鬼趣得一人何必取吾四人議訖相

欽定四庫全書

法苑珠林
卷六十

四

將辭王而白王曰吾等計筭餘命日促各欲逃走欲求多福王尋告曰善進其德於是別去各適所至七日期滿各從其處而皆命終佛以天眼見四梵志避於無常各求度世皆已命終而說偈言

非空非海中 非入山石間 無有地方所

脫之不受死

又增一阿含經云爾時世尊在舍衛國東鹿母園中與大比丘衆五百人俱是時世尊七月十五日於露地敷

坐比丘僧前後圍遶佛告阿難曰汝令速擊捷稚令七月十五日是受歲之日阿難叉手便說此偈

淨眼無與等 無事而不練 智慧無染着 何等名受歲

世尊以偈報曰

受歲三藏淨 身口意所作 兩兩比丘對 自陳所作短 還自稱名字 今日衆受歲 我亦淨意受 唯願原其過

欽定四庫全書

法苑珠林
卷六十

五

是時阿難聞已歡喜即升講堂手執捷稚而說此偈 降伏魔力怨 除結無有餘 露地擊捷稚 比丘聞當集 諸欲聞法人 度流生死海 聞此妙響音 盡當雲集此

爾時阿難擊捷稚已至世尊所白世尊言今正是時唯願世尊何所勅使是時世尊告阿難曰汝隨次坐當坐草座時諸比丘各坐草座是時世尊默然觀諸比丘已便勅諸比丘我今欲受歲我無過咎於衆人乎又不犯

身口意耶如來說此語已諸比丘默然不對是時再三
告諸比丘已時尊者舍利弗即從座起長跪白世尊言
諸比丘衆觀察如來無身口意過世尊今日不度者度
不脫者脫不般涅槃者令般涅槃無救護者為作救護
盲者為作眼目為病者作大醫王三界獨尊無能及者
以此事緣如來無咎於衆人亦無身口意過是時舍利
弗白世尊言我今自陳無咎於如來及比丘僧乎世尊
告曰汝舍利弗都無身口意所作非行汝今智慧無能

欽定四庫全書

法苑珠林
卷六十

六

及者汝今所說常如法義未曾違理是時舍利弗白佛
言此五百比丘盡當受歲盡無咎於如來乎世尊告曰
亦不責此五百比丘身口意此舍利弗大衆之中極為
清淨無瑕穢今此衆中竄小下坐得須陀洹必當上及
不退轉法以是之故我不惡責此衆又佛本行經云爾
時釋種宗族士衆一切合有九萬九千及迦毗羅婆蘇
都城所居人民從城共往欲見如來世尊遙見輸頭檀
王與諸大衆嚴備而來即作是念我若見彼不起迎奉

人當說我此豈戒行果報人乎云何見父不起迎送我
今若見父及大衆起往迎者彼等獲得無量大罪若我
今者持其威儀在此住者彼等於我不生敬心如來作
此三種念觀見有如此三種因緣思量如是三種義已
從坐而起飛騰虛空現種種神變令大衆生信並皆入
道又梵網經云若佛子應如法次第坐先受戒者在前
坐後受戒者在後坐不問老少比丘比丘尼貴人國王
王子乃至黃門奴婢皆應先受戒者在前坐後受戒者

欽定四庫全書

法苑珠林
卷六十

七

次第而坐莫如外道癡人若老若少無前無後坐無次
第兵奴之法我佛法中先者先坐後者後坐而菩薩不
次第坐者犯輕垢罪若佛子常行教化大悲心入檀越
貴人家一切衆中不得立為白衣說法應白衣衆前高
座上坐法師不得地立為四衆白衣說法若說法時法
師高座香華供養四衆聽者下坐如孝順父母敬順師
教如事火婆羅門其說法者若不如法犯輕垢罪又善
見論云弟子參師當避六處一不得當前二不得當後

三不得太遠四不得太近五不得處高六不得上風立
問曰四種身儀若坐立行卧何故但云一面立答曰為
來故不應行為恭敬不應坐為供養故不應卧又三千
威儀云欲上牀有五事一當徐脚踞牀二不得匍匐上
三不得使牀有聲四不得大拂拭牀席使有聲五洗足
未淨當拭之在牀上有五事一不得大吹二不得叱咤
暗啗三不得歎息思念世間事四不得狗羣卧五欲起
坐當以時若意起不定當自責本起又卧有五事一當

欽定四庫全書

法苑珠林
卷六十

八

頭首向佛二不得卧視佛三不得雙伸兩足四不得向
壁卧亦不得伏卧五不得豎兩膝要當拘手斂兩足累
兩膝又卧起欲出户有五事一起下牀不使牀有聲二
着履先當叩蔽三正住着法衣四欲開户先三彈指不
得使户有聲五户中有佛像不得背出當還向户而出
出不得住與人言又正法念經云孔雀菩薩為諸天衆
說調伏法若在家出家若老若少調伏相應以此莊嚴
如出家之人初以袈裟而自調伏當行七事一者如其

國法受糞掃衣在家之人所棄之衣若在塚間有死人
衣死屍所壓則不應取若於塚間得破壞衣則應受用
是名袈裟調伏之法第二若入聚落觀地而行前視一
尋念佛影像一心正念諸根不亂不觀一切所須之具
不與女人言論不抱小兒不數動足亦不動臂及其牀
座不手摩頭不數整衣不抖數袈裟不按摩手亦不彈
指是名第二調伏之法第三若入施主家於飯食時齊
脫澡手若受食時不大舒手當前一肘不滿口食亦不

欽定四庫全書

法苑珠林
卷六十

九

太少若所搏飯不大不小不大張口不令有聲所應之
食但食二分食知足足不觀他鉢而生貪心所受飯食
不懷他心自觀其鉢不左右顧視是名第三調伏之法
第四若於食時若於聚落或於城邑先所見食不生心
念不數言說亦不希望所受數具如法受畜不求上勝
是名第四調伏之法第五一切所作不倚不着不惜身
命於所用具不多聚積不行邊方危怖之處不異服飾
不偏樂於一家往返是名第五調伏之法第六不斷草

木及掘生地不著雜色草屣襪色衣服不破他戒不謗
不說心不憐望王者之饍心不甘着不親近於喜鬪比
丘是名第六調伏之法第七若有同意同法應當親近
利益若於山窟樹下露地常修行空無相無願是名第
七調伏之法若有比丘能如是行則能捨離一切諸縛
而得解脫又禰寶藏經云佛初出家夜佛子羅睺始入
于胎初成道夜生羅睺羅舉宮嫫女咸皆慙恥怪哉大
惡耶輸陀羅不慮是非輕有所作不自愛慎令我舉宮

欽定四庫全書

法苑珠林
卷六十

十

都被染汙悉達菩薩久已出家今卒生子甚為恥辱時
有釋女名曰電光是耶輸姨母之女椎胸拍脰呵罵耶
輸汝於尊親何以自損太子出家已經六年生此小兒
甚為非時從誰而得辱我種族不護惡名淨飯王于時
在樓見此大地六種震動見是相已謂菩薩死憂箭入
心聞于宮中舉聲大哭王倍驚怖謂太子死走使女問
是何哭聲女白王言太子不死耶輸陀羅令產一子舉
宮慚愧是以哭耳王聞是語倍增憂惱發聲大哭揚聲

大喚怪哉醜辱我子出家已經六年云何今日而方生
子時彼國法擊鼓一下一切運集九萬九千諸釋悉會
即喚耶輸耶輸着白淨衣抱兒在懷都不驚怕於親黨
中抱兒而立諸釋咸忿叱爾凡鄙有何面目我等前立
宜好實語竟為何處而得此子耶輸陀羅都無慚恥正
直而言從彼出家釋種名曰悉達而得此子我子悉達
本在家時聞有五欲耳尚不聽況當有欲而生於子實
是諂曲非正直法以此謗毀王極大瞋問諸釋言云何

欽定四庫全書

法苑珠林
卷六十

十一

苦毒殺害復有釋言如我意者當作火坑擲置火中使
其母子都無遺餘諸人皆言此事寔良即掘火坑以佞
陀羅木積於坑中以火焚之即將耶輸至火坑邊時耶
輸見火方大驚怖譬如野鹿獨在園中四向顧望無可
恃怙耶輸自責既自無罪受斯禍患偏觀諸釋無救已
者抱兒歎念菩薩言汝有慈悲憐愍一切天龍鬼神咸
敬於汝今我母子薄於祐助無過受苦云何菩薩不見
留意何故不救我之母子今日危厄即時向佛一心敬

禮復拜諸釋合掌向火而說實語我此兒者實不從他而有此子若實不虛六年在胎者火當消滅終不燒害我之母子作是語已即入火中而此火坑變為水池自見已身處蓮華上都無恐怖顏色和悅合掌向諸釋言若我虛妄應即焦死以今此兒實菩薩子以我實語得免火患有諸釋言視其形相不驚不畏而此火坑變為清池以此驗之知其無過時諸釋等將耶輸陀羅還歸宮中倍加恭敬為索乳母供事其子猶如生時等無

有異祖白淨王愛重深厚不見羅睺終不能食若憶菩薩抱羅睺羅用解愁念略而言之滿六年已白淨王渴仰於佛遣往請佛憐愍故還歸本國來到釋宮變千二百五十比丘皆如佛身光相無異耶輸陀羅語羅睺羅誰是汝父往到其邊時羅睺羅禮佛已訖正在如來右足邊立如來即以手摩羅睺羅頂即說偈言

我於生眷屬 及以所生子 無有偏愛心

但以手摩頂 我盡諸結使 愛憎永除盡

頌曰

汝等勿懷疑 於子生猶豫 此亦當出家
重為我法子 略言其功德 出家學真道
當成羅漢果

業風恒泛濫 苦海濤波聲 漂我常游浪

速離涅槃城 忽遇慈舟至 運我出愛瀛

是知高慕友 慙過改凡情 罪垢蒙除結

神珠啟闇冥 釋門光麗景 俗務苦重縈

欽定四庫全書

法苑珠林
卷六十

十三

冀除五昏蓋 方悟六塵輕 自非乘寶輅

何以息皎寧

感應緣

略引
三驗

宋沙門釋僧苞

齊沙門釋僧速

隋沙門釋洪獻

宋京師祇洹寺有釋僧苞本是京兆人少在關受學什

公宋永初中遊北徐入黃山精舍復造靜定二師進業

仍於彼建三七普賢齋懺至第十七日有白鶴飛來集普賢座前至中行香畢乃去至二十一日將暮又有黃衣四人遶塔數匝忽然不見苞少有志節加復祥感故匪懈之情因之彌厲日誦萬餘言經常禮數百拜佛後東下京師正值祇洹寺發講法徒雲聚士庶駢席苞既初至人未有識者乃乘驢往看衣服垢弊貌有風塵堂內既迺坐驢聽於戶外高座主題適竟苞始欲厝言法師便問客僧何名答云名苞又問盡何所苞答曰高座之人亦可苞耳乃致問數番皆是先達思力所不逮高座無以抗其詞遂遜退而止時王弘范泰聞苞論義歎其才思請與交言仍屈住祇洹寺開講衆經法化相續陳郡謝靈運聞風而造焉及見苞神氣彌淡歎伏或問曰謝公何如苞曰靈運才有餘而識不足抑不勉其身矣苞嘗於路行見六劫被戮苞為說法勸念觀世音羣劫以臨危之際念念懇切俄而送吏飲酒洪醉劫解枷得免焉宋元嘉中卒

右此一驗出
梁高僧傳

齊梁州薛河寺釋僧遠不知何人為性踈誕不修細行好逐流宕歡醺為任以齊武平三年夢見大人切齒責之曰汝是出家人面目如此放縱造惡何不取鏡自照遠忽覺驚悸流汗至曉以盆水自照乃見眼邊烏點謂是垢汙便洗拭之眉毛一時隨手落盡因自咎責柰此殃譴遂改常習反形易性弊衣破履一食長齋遵奉律儀昏曉行悔悲淚交注經一月日又夢前人含笑謂曰知過能改是謂智人赦汝前愆勿復相續忽驚喜覺流汗徧身面目津潤眉毛漸出遠於一身頻感兩報信知三世苦樂不虛自後竭情時不暫怠鄉川所歸卒於本土隋相州大慈寺釋洪獻少履道門早明律部聽涉勞頓遂兩目俱暗既無前導常處房中禮誦為業不輟晨夕開皇十四年忽感一神自稱般若檀越來從受戒數致談話同房僧綱禪師上堂食後般若乃將綱一襪衣來覲獻云勞陳法事利益不少微奉衣物願必受之獻納

匱中綱食還房怪失衣襪搜求寺內乃於獻所得之具以告語綱終不信猜獻盜之神遂發撤綱房衣物被案狼藉滿庭竿扇稱尺摧折數段神於空中語曰僧綱不好設齋會供養三寶我會禍汝未許放汝獻感冥報與般若言及事同目覩神語獻曰伴衆極多悉在紫陌河上唯三十人相隨可令寺家設食衆僧便於西院會之神曰大好飲食勞費師等雖然僧綱不起齋供後會使知綱無奈之何恐迫不已便私費財物營諸齋福般若乃曰既能行福今相放矣仍以絹兩疋付獻云當以一疋施大衆一疋贈綱師獻對衆受得具皆聞見仍依付領綱後懲過彌勤經業卒於所住

右此二驗出唐高僧傳

和順篇第四十七

迷意部

夫善惡乖背言行兩違禍豐從生怨毒彌重所以言之者易行之者難是故剛柔得中違順得性譬鑄劍太剛則折太柔則卷欲劍無折必加其錫欲劍無卷必加其

欽定四庫全書

法苑珠林
卷六十

十六

金何者金性剛而錫質柔剛柔均平則為善矣含性和平則為嘉矣故羅雲密行以自調故聖讚以美譽提婆龐行以獷惡故衆毀以過彰俗書云西門豹性急佩章以自緩董安于性緩帶弦以自急故陰陽調天地之和也剛柔均人物之性也

引證部

如蜜跡金剛力士經云阿闍世王問佛言菩薩仁和為有幾法往反周旋常存和雅不興麤心佛言菩薩仁和

欽定四庫全書

法苑珠林
卷六十

十七

有八事法何謂為八一志性質直而無諛諂二性行和雅常無佞偽三心存淳熟永無虛妄四心行堅要亦無羸劣五無迷惑志存於仁和六為世衆祐受異德行七心行了達而無所着八思惟罪福心無所念是為八事於是阿闍世王白佛言菩薩有幾法行逮如是力無極之勢佛言有十法何謂為十一寧棄身命勤受正法二未曾自大謙恪下意禮敬衆生三見於剛強難化衆生立之忍辱四見饑饉人以好美饍而充施之五觀諸惡

懼勸慰安之六若有衆生得於重疾療以良藥七若有羸劣人所輕慢敬念戀之令無忽易者八以淨泥水塗如來廟補其虧缺九見孤苦人貧匱困厄常負重擔使去其難極重之殃十若無護無所依歸常將濟之所語如言而不變失是為十事法又正法念經云若有衆生見他親友互相破壞心懷怨結能為和合命終生欲愛天隨心所念即得五欲自娛若有衆生見人破亡為他抄掠救令得脫或於險處教人正道或疑怖處令他安

欽定四庫全書

法苑珠林
卷六十

六

隱命終生正行天天女供養受五欲樂若生人中生於正見大長者家若有人能柔輒淡心離一切垢涅槃解脫猶如在手輒心之人心如白鎔修行善業衆人所信羸饑之人心如金剛恒常不忘怨結之心行不調伏衆人所憎不愛不信爾時孔雀菩薩以佛經偈而說頌曰

若人心柔輒 猶如成鍊金 斯人內外善

速得脫衆苦 若人心器調 一切皆柔輒

斯人生善種 猶如良福田

又呵鵬阿那含經云阿那含有八事不欲令人知何等為八一不求不欲令人知二信不欲令人知三自羞不欲令人知四自慚不欲令人知五精進不欲令人知六自觀不欲令人知七得禪不欲令人知八黠慧不欲令人知所以不欲令人知者不欲煩擾於人故

和施部

如佛說一切施王所行檀波羅蜜經云佛言過去久遠無央數劫爾時世有大國王號字薩和達

晉言一爾時切施王

欽定四庫全書

法苑珠林
卷六十

七

布施有所求索不逆其意爾時異國有婆羅門子少失其父獨與母姊弟為居家甚貧狹其母告子居家困窮無以自供汝父在者當往薩和達王所乞丐可以自濟令何不行至彼王所從求錢寶兒報母言我今未有所知先當學問然後乃行母語兒言令汝家中了無所有而有學問爾乃當行若汝去後其家空乏何以自活兒即語母我先當假貸索一兩金可備一歲之糧母即聽之便行貸得金一兩還以與母乃出家行學一歲已竟

便來歸家母見兒還便逆問言汝已行詣一切施王所耶兒復報母言所學未通當復更學母言前金已盡當作何計兒答母言當更假貸兒即復往至前所貸金家向其主說復欲貸一兩金其主語兒汝前取金既未還我甫復欲索汝若審復欲得金者持卿母及姊弟皆以上券爾乃可得若至時不畢當沒汝母及姊弟以為奴婢便相許可適作券取持歸付母復捨家行學復終一年所知粗備欲歸語母行詣一切施王所在道中便

欽定四庫全書

法苑珠林
卷六十

十

為債主所索及母姊弟將歸鎖腳婆羅門子語債主言卿雖相繫正使終年我無益用不如相放我當往詣一切施王所乞丐得物還以相償其主思惟便解婆羅門子令去時有異國王軍起兵欲往取一切施王國時諸臣白王今有他國興兵入界不審大王當作何計時王自念人命至短當歸無常又我少小已來好喜布施慈仁忍辱無傷害意不欲與彼共相拒逆所以者何但以我一身故動搖兵衆設有所中害此非我宜便勅諸臣

不須為備亦勿恐怖但旦嚴出迎逆作禮恭敬承事受其教勅令踰於我諸臣復白王言他國入界云何不備王默不應如是至三王言不須拒逆如我前言諸臣皆言王勅勿備我等俱然王言大善各且安家慎莫勞擾其王夜半即脫印綬默亡而去彼王大國即領王位便募索一切施王其賞甚重王遂出國行五百餘里遙見婆羅門子王意即想此婆羅門子令者必來索我無疑時婆羅門子意亦想此人將無正是一切施王二人各

欽定四庫全書

法苑珠林
卷六十

十一

前相逢便住王問婆羅門子言卿何從來今欲所至婆羅門子答言我欲行至一切施王所王復問欲詣一切施王所欲何求索婆羅門子報言少小失父居甚貧窮以母及姊弟持行質債欲從一切施王乞丐錢寶還贖母姊弟并得自濟王便語言我正是一切施王婆羅門子問王儼從所在而獨行耶王言有他國來欲得我處是以避之所以者何不欲傷害於人兵故婆羅門子聞王所說即便躡地而大啼泣不能自勝王便前牽婆羅

門子諫曉使起不須復啼所求索者令當相與婆羅門
子言王今失國當待何等以相濟乞王便報言彼國來
王相慕甚重卿今可截我頭持往與之在所求索皆可
得也於是婆羅門子說偈報言

世間殺父母 命盡墮泥犁 今加害於王

其罪等無異 我今實不忍 加惡於大王

寧令身命盡 終不造逆意

於是一切施王復語婆羅門子言卿若不欲取頭者便

欽定四庫全書

法苑珠林
卷六十

五

可截我鼻耳送之亦可得賞恐不中王故也婆羅門子
報王言如我今日不忍為是王復語婆羅門子言若不
爾者便可縛我送往與之亦可大有所得婆羅門子能
相知王還復為王不為被害婆羅門子言王審欲爾者
可共俱還臨至本國乃當相縛於是王與婆羅門子便
共相將俱還本國二十餘里王以欲至便自反手語婆
羅門子言卿可縛我婆羅門子遂乃縛王一國人民皆
聞知言一切施王為他國婆羅門子見縛送人民大小

見王莫不啼哭躄地崩絕劇喪父母遂前詣宮門諸臣
即入白彼王前所慕亡去王一切施者為婆羅門子所
見縛送今在宮門彼王即言便捉現之一切施王便前
入宮彼王及臣與諸官屬見一切施王無不躄地而啼
泣者彼劫人王亦復淚出而問諸臣汝輩何以皆啼諸
臣白言我等見一切施王棄國與王復持身施與婆羅
門子所作不悔是故啼耳彼劫人王聞諸臣各各說是
即便躄地而大啼泣不能自勝即問婆羅門子汝令那

欽定四庫全書

法苑珠林
卷六十

五

得是王婆羅門子具答王本末因由彼劫人王聞婆羅
門子所說即復躄地啼淚而言告勅諸臣促解王縛洗
浴衣被着其印綬還立為王即還坐領國法如故於是
彼王即長跪叉手讚歎而說偈言

自在本國時 遙聞大王德 令來至於此

見尊踰所聞 巍巍積功德 譬若如金山

其力堅如是 無能動搖者 令見王所行

於世甚無雙 願以國相還 并奉所居界

願歸得本土 修敬為臣禮 不敢復憍慢

事王如天尊

佛告諸比丘爾時一切施王者我身是也彼國王者舍利弗是婆羅門子者調達是成我六波羅蜜相好功德皆是調達恩調達是我善知識亦為善師調達卻後阿僧祇劫當得作佛號字提和羅耶

晉言天人王

和國部

如禰寶藏經云佛言過去久遠有二國王一是迦尸國

欽定四庫全書

法苑珠林卷六十

三

王二是比提醯國王比提醯王有大香象以香象力摧伏迦尸王軍迦尸王作是念言我今云何當得香象摧伏比提醯王軍時有人言我見山中有一白香象王聞此已即便募言誰能得香象者我當重賞有人募言多集軍眾往取彼象象思惟言若我遠去父母盲老不如調順往至王所爾時眾人便自將香象向王邊王大歡喜為作好屋具被蹋蹬敷着其下與諸妓女彈琴鼓瑟以娛樂之與象飲食不肯食之時守象人來白王言象

不肯食王自向象所上古畜生皆能人語王問象言汝

何故不食象答王言我有父母年老眼盲無與水草父

母不食我云何食象白王言我欲去者王諸軍眾無能

遮我但以父母盲老順王來耳王今見聽我去供養父

母終其年壽自當還來王聞此語極大歡喜我等便為

人頭之象此象乃是象頭之人先迦尸國人惡賊父母

無供養心因此象故王即宣令一切國內若不孝養父

母者當與大罪尋即放象還父母所供養父母隨壽長

欽定四庫全書

法苑珠林卷六十

三

短父母喪亡還來王所王得白象甚大歡喜即時莊嚴欲伐彼國象語王言莫與鬪諍凡鬪諍法多所傷害王言彼欺陵我象言聽我使往令彼怨敵不敢欺侮王言汝若去者或能不還答言無能遮我使不還者象即於是往彼國中比提醯王聞象來至極大歡喜自出往迎既見象已而語之言即住我國象白王言不得即住我立身已來不違言誓先許彼王當還其國汝二國王應除怨惡自安其國豈不快乎即說偈言

得勝增長怨 負則益憂苦 不諍勝負者

其樂最第一

爾時此象說斯偈已即還迎尸國從是以後二國和好
爾時迎尸國王者令波斯匿王是比提醯王者令阿闍
世王是爾時白象者令我身是也由我爾時孝養父母
故令多衆生亦孝養父母爾時能使二國和好今日亦
爾

和事部

欽定四庫全書

法苑珠林
卷六十

五

如僧祇律云佛告諸比丘過去世時有城名波羅柰國
名伽尸有一婆羅門有摩沙豆陳久煮不可熟持着肆
上欲賣與他都無人買時有一人家有一熊驢市賣難
售時陳豆主便作是念我當以豆買此驢用便往語言
汝能持驢買此豆耶驢主復念用是熊驢為當取彼豆
即便答言可爾得驢已歡喜爾時豆主便作是念今得
驢子便即說頌曰

婆羅門法巧販賣

陳久沙豆十六年

唐盡汝薪煮不熟 感折汝家大小齒

爾時驢主亦作頌曰

汝婆羅門何所喜 雖有四腳毛衣好

負重着道令汝知 錐刺火燒終不動

爾時豆主復說偈言

獨生千秋杖 頭着四寸針 能治敗態驢

何憂不可伏

爾時驢聞復瞋即說頌曰

欽定四庫全書

法苑珠林
卷六十

五

安立前二足 雙飛後兩蹄 折汝前板齒

然後自當知

爾時豆主聞驢此頌復說偈言

蚊蠅毒蟲螫 唯仰尾自防 當截汝尾却

令汝知辛苦

爾時驢復以偈答言

從先祖已來 行此懔懔法 令我故承習

死死終不捨